



省中稿卷二目錄

五言律詩

天文十詠

省中四詠

送薛仲常令慈谿

送焦子重推平陽

夏日過西宗別院

秋日病起

七夕

扈蹕上陵

方塘卷

賀朱山人生子

寄洪上人

寄傑上人

明妃詞二首

恭謁皇穹宇敬賦

一章

詠一

詠萬

省中回偶然作

野航卷

贈林屋蔡丈

病起答蔡丈見懷

贈星士

秋日東徐君敘二首

送金子有會試

送張惟行會試

送僧

漂母祠

子房山

歌風臺

連窩曉發

送王汝器改判衡州

送王令

呂侍郎輓詩二首

送王元夫守敘州二首

送任州同

送温子假歸

送華學職赴常山

送陸學職赴台州

未思卷

送葉院判省親

送人改縣

賓桂山房四首

飛來山房贈陳九臯

壽楊母

初夏集錢司封園次

胡魚伯二首

送徐理問之山東

秋夜集謝應午館 集羽伯館

十月九日雪偶過謝子

陳戚畹第再會同年次孫太史二首

送馬抑之冊封魯藩次韻

冬日省中二首 至前臥病有懷省中

諸寮 至日早朝以病不赴

枕上有作 送楊進卿

送王戶部謫武林 余別陳山人久矣都

下邂逅令子喜而贈詩

送朱四 答羽伯

城西寺奉送東橋翁次韻四首

叨轉出京辱謝陳二子贈詩次答

過德州 過分水

過武城訪王祭酒 濟寧聞虜報

沽頭閘遇許水部得虜退消息

還家志感

五言排律

太宰松臯翁壽詩五十韻

至後雪

送汪推府赴嘉興十韻

修竹圖

俞隱君壽詩

石母壽詩

塔院病起次羽伯韻

楚山卷

送洪上人住持碧峰

太學陸君輓詩

省中稿卷二

五言律詩

天文十詠

省中視政簿領稀簡靜玩玄文謬裁短

什

天

鍊石何曾補蒼蒼本太空萬形歸覆幬一氣自

鴻蒙健與推輪並圓將倚蓋同勿持方寸管容

易測穹窿

日

晃朗懸離照舒長識化徵崦嵫昏乃入暘谷曉
還升異道成寒暑分時判寢興葵心無一寸於
此向偏能

月

天上飛明鏡揚輝滿八埏虛疑魚腦滅盈覺蚌
珠全絕塞光逾冷深閨照獨偏此中有靈藥乞
與度長年

星

麗天疑有質連貝各呈輝森布標分野群木捧
太微宵占賢士聚曉覺故人稀獨愛旄頭落天
山奏凱歸

雲

絕岫無心出長空不斷飛映巖遙作障觸石遂
成衣迢遞瞻親舍繽紛繞禁闈成霖須歛盡莫
遣蔽晴暉

風

飄來盈玉宇起處自青蘋觸物鳴天籟乘時轉

化鈞入歌還漢里度曲阜虞民更喜北窗下炎
天來故人

露

灑氣迎秋淨神漿入夜繁細輝承曉日薄潤接
平原入柳蟬爭咽沾松鶴共翻金莖慰消渴何
日賜文園

霜

玉露迎寒結鉛華向曉濃空中擊鷹隼溪上老
芙蓉黃變高梧葉清聞遠戍鐘莫令含怨地長

夏似嚴冬

霧

迷茫何處起宇宙倏難分漠漠疑寒雨飄飄亂
水雲柳塘春黯淡花塢夜氤氳獨有南山豹因
成五色文

雪

乍見彤雲合旋驚密霰飄霏霏沾閣道莽莽積
林梢已覺鴻飛絕愁看馬去遙如何吟客興偏
在灞陵橋

省中四詠

省直希營即物成詠會心寄意情見乎

詞

鶴

映日星睛耀凌風玉翮鮮翩翩游画省渺渺下
青田對啄依深砌長鳴徹遠天何當唳萍葉刷
羽太湖邊

鹿

何日辭玄圃空庭臥綠茵全生逃羽獵混迹向

風塵枕石如求友啣花欲近人敢忘豐草樂容
易損天真

菊

籬下黃金色分栽鳳鳥司遂令游宦地忽動故
園思屈子食英日陶公送酒時行藏各有意莫
笑挂冠遲

柏

睽爾龍從樹嚴霜不可摧羽儀連復道寒翠落
空臺歲久蟠根遠風晴鵲語來已能辭翦伐會

長拂雲材

送薛仲常令慈谿

詞客越州去花封新剖符江天開列宿海日照
雙鳧雨度甘棠樹霜飛白玉壺歸來登瑣闥看
爾伏青蒲

送焦子重推平陽

美人汾水去旌旆入初霜鴈塔交情重龍門別
路長登堂懸朗月到郡轉春陽淑問他年至山
公有薦章

夏日過西宗別院

退食尚書省聯鑣大士林地開傳梵境客抱出
塵心石竹下空翠山雷生晝陰竭來幽賞意一
寄白雲岑

秋日病起

暮雨滌煩暑西風吹客裾雲開天漢迥露下井
桐踈節變殊方外心清多病餘眼看鴻鴈度未
得素交書

七夕

秋風開令序良會屬清宵一水光澄澈雙星影
動搖天空雲作帳河廣鵲爲橋應有明朝恨相
望不可邀

扈 蹕上 陵

園陵開地紀輦仗駐天顏雲擁葱菁樹霞生錦
繡山御香飄竹外朝珮集花間七帝留功德龍
髯不可攀

方塘卷

婉變方塘淨虛亭一鏡開斷雲搖石壁輕鷺點

春苔引水通芝圃臨流着釣臺考槃非爾志莫
負濟川才

賀朱山人生子

中歲臧孫氏充閭慶始傳光迎釋氏駕歡動菊
花筵老蚌珠秋吐高堂矢晝懸遙看食牛氣不
負夢熊篇

寄洪上人

迢遞南朝寺高僧臥碧峰簷虛花拂檻門靜鶴
巢松一自趨金馬常時夢白龍人來傳麗藻空

負石樓鐘

寄傑上人

不見旻公久還思鴈字堂花臺青鳥集石屋紫
芝香待月攀蘿磴翻經坐竹牀別來迷去住渾
欲假慈航

明妃詞二首

黃屋和親意紅顏入虜情心摧回紇馬夢斷上
林鶯朔氣朱絃動胡塵玉面生翠華瞻漸遠空
憶屬車聲

捐寵辭龍陛含愁赴貉鄉花飛顏共墮天遠恨
俱長磧草連沙白關雲出塞黃多情漢宮月流
影照羶裳

恭謁 皇穹宇敬賦一章

分祀崇郊典嚴居肅帝宮高明一祖配陟降八
神同紫氣團華蓋玄陰接上穹萬年瞻秉壁靈
貺自無窮

詠二

天地清寧後侯王乃見尊車書崇大統號令戒

多門士以無雙貴心由不貳存萬殊元有本吾
道與誰論

詠萬

品物形容別君門道里多從三生幾許挂一漏
如何對策言難盡封侯戶豈過獨欣歌聖壽列
國似星羅

省中回偶然作

結綬逢清世移家近上林鄉園三逕隔歲月二
毛侵座有長春酒庭無暮夜金承顏借徵祿充

詘豈吾心

野航卷

避世住滄浪新秋泛野航川花迎棹吐汀霧酒
衣涼日落青山列煙開白鷺翔虛舟迷出處鼓
楫混漁郎

贈林屋蔡丈

望重齊珠斗官閒臥玉堂澗花通御氣院樹接
天香閣靜燃藜火池晴狎鳳皇盛時兼吏隱高
味意何長

病起答蔡丈見懷

病起秋江晚黃花悵遠天喜逢金馬使持贈錦
雲篇玉版虬龍綴瑤函象緯懸江湖瞻大雅投
分荷忘年

贈星士

僊人游汗漫飛鶴下匡廬靜悟虛中術間觀季
主書坐揮彤竹管行佩紫霞裾江漢開簾肆談
窮牛斗居

秋日東徐君敘二首

秋生烏鵲鎮客臥鳳皇城火宿金天墜陰垂石
竇鳴盤美調錦帶壁劍挂蒼精偃仰蓬蒿室僊
園阻共行

契闊南州士銀牀桐葉秋靜懷琴響發清憶桂
香浮舊業貂璫貴高情洞壑幽玄珠如可覓白
首願相求

送金子有會試

同歲攀秋桂才名衆不如夙窮京氏易今上賈
生書虹挂雙龍劍雲飛五鳳廬茲行登瑣闥長

謝薜蘿居

送張惟行會試

錦纜白牙檣青雲去路長
交情齊鮑叔易學漢
京房釋褐趨東觀含香入建章
羨君揚世德喬木
有輝光

送僧

方袍見爾賢何處度迷川
斲脫真如地長游不
任天陶瓶藏法雨芒屨躡
慈煙飛鳥歸休晚相
期鷲嶺邊

漂母祠

逃名稱漂母臨難惜王孫
豈愛千金報終懷一
飯恩行高人不及代久貌
如存蘋草年年發行
人薦酒尊

子房山

高人今不作異代想風流
斲託三人傑何關萬
戶侯雲從孤岫返水抱古
祠流悵望冥鴻翼凡
禽不共游

歌風臺

真人提劍出羣策授戈同惠首三秦地名高百
戰功衮衣懷舊社天馬入新豐今日高臺上還
思歌大風

連窩曉發

袒衣常候曙解纜數侵星煙鎖堤楊暗雲蒸水
霧腥卷簾低象緯鳴櫓散鷓鴣觸熱貪微祿空
懷白石屏

送王汝器改判衡州

八桂馳聲久三銓論績優言過秦列郡重佐漢

諸侯策駕青雲路開尊錦甸秋此行將白璧光
彩照梁州

送王令

出國乘雙鳥看山入九疑桂風開道路珠宿落
旌旗地有鴻龐俗庭無雀角詞君才况循吏會
有賜金時

呂侍郎輓詩二首

華嶽遙鍾秀天階首策名雄文光玉署雅念濟
蒼生抗俗身常拙旋乾志未成居然龍德隱愁

絕望霖情

禮樂瞻先進文章仰大賢江湖身獨老廊廟望
空懸曳杖歌傾木藏舟罷濟川乾坤留妙撰還
並六經傳

送王元夫守敘州二首

帝簡二千石何妨萬里賒燕山一尊酒送子向
三巴地雜楚人語亭開荔子花豫占宣政日甘
雨定隨車

吾愛彤庭尉新爲皁蓋臣還將五覆念去布九
重仁月出金城曙花飛紫甸春同朝俄解袂回
首各傷神

送任州同

策馬都門外薰風此日飄官叅分竹使恩出紀
雲朝城通九曲水路轉七星橋去矣指苛令應
憐井邑彫

送溫子假歸

乞假問歸路北風吹彩舟遙憐建子月應上景
陽樓岐鳳待高舉隋珠寧暗投分明非久隔亦

自動離憂

送華學職赴常山

多君盛文學揚旆入吳川去領傳經秩行開講
道筵栽藤供酒翰種橘伴高眠獨咲無司業從
誰乞酒錢

送陸學職赴台州

名山秀八重對面出芙蓉君去開經幄靈旗白
晝逢宮墻圍泮水學士扣洪鐘何待食霞色從
來有道容

求思卷

榮養辭千載僊容隔九原中宵驚雨露何處訪
晨昏古隧搖風木冥堂薦沼繁遙知哀罔極直
欲比乾坤

送葉院判省親

近侍念斑衣皇恩許暫歸彩舟尋故國泔酒獻
慈闈關沼魚應出開林鶴亂飛商廷資暝眩計
日轉金扉

送人改縣

柳枝搖錦甸馬色駐旗亭花縣移新秩牛刀發
舊型過家辭海鶴入郡散秋頤瓊樹行看集煩
君惜鳳翎

賓桂山房四首

冥士全生地叢柯發古香繁枝偏影月勁葉故
凌霜展卷秋容淨開尊晚思涼何煩歌矣止相
對有餘芳

倦爾庭中樹疑從月殿分傍巖看偃寒應節散
奇芬自以金爲粟還羞絳作裙搗來招隱地欲

賦小山文

僻地希來駕晴軒長桂枝星河澄妙相雨露息
玄姿秀映烏皮几香飄白玉卮不緣霞外客托
架詎相宜

岩下亭亭色連捲晚自榮共憐幽獨意不作豔
陽情重以塵紛遠因之竟夢清茂陵近消渴渾
欲乞殘英

飛來山房贈陳九臯

遂巖開近郭曲棟枕廻溪門靜翻瑤草窓虛度

紫霓竹牀宜散帙石壁待留題好是全身地無
勞學馬蹄

壽楊母

玉樹扶嘉宴金堂逢早秋瑀臺吹羽曲翠釜薦
瓊羞慈幄千年敞恩波五色流看乘丹轂喜勝
跨赤鸞游

初夏集錢司封園次胡魚伯二首

卜居依近禁結棟俯崇隈竹戶玲瓏入花房次
第開嘉辰勞授几新月助啣杯興劇詩同就無

煩刺燭催

盍簪僊吏館駐馬禁城隈共把酒尊至欣逢花
盞開臨風頻倚檻待月競呼杯塵網希高會宮
壺莫浪催

送徐理問之山東

策馬衝炎日揚旌向海藩汶川晴漲合齊嶺夏
雲繁佐政將新檄明刑佩昔言所期修健翮天
宇待高騫

秋夜集謝應午館

僊館簪仍合涼宵興轉長高雲收夏色朗月散
秋光法酒分官署珍盤出洞房無論身作客但
以醉爲鄉

集羽伯館

帝京逢故侶一咲解離愁共倚青萍劍同傾白
玉甌庭梧頻滴露天漢迥分秋取醉尋歸路涼
蟾滿禁樓

十月九日雪偶過謝子

僊館逢初雪開尊喜對君微風搖密霰暗月影

彤雲卷幔光逾淨聽詩夜已分歸鞍瞻貝闕轉
愛白紛紛

陳戚畹第再會同年次孫太史二首

同榜盛冠裳文章錦繡光盍簪停玉轡張宴借
金堂日下瞻皇極風前聞御香十年慙令望空
益鬢毛蒼

地隱三山宅花開十月時雲中邀舊侶雪後賦
新詩妙舞流風轉長歌落景移還將松柏意復
此訂交期

送馬抑之冊封魯藩次韻

停族開新典，馳封輟從官。使星過即墨，天馬出長安。日吐扶桑樹，芝生泰嶽壇。勝游多賦草，揮贈故人看。

冬日省中二首

朔氣茲晨動，寒雲入望多。虛牀留蟋蟀，高樹慘藤蘿。日月瞻金闕，風塵戀玉珂。數年臨疆仕，流譽竟如何。

九陌風沙色，遙穿省牖飛。窮陰凋鳳曆，脆質藉狐衣。烽火三秋暗，關河尺素稀。周圖元自未，賈涕不須揮。

至前臥病有懷省中諸寮

抱病辭王事，端居但寂寥。竹爐閒煮藥，石几倦揮毫。城迴羲輪薄，天空昴宿高。今宵齋寢地，鴛鷺隔東曹。

至日早朝以病不赴枕上有作

萬寶告成功，明王御法宮。嵩呼偕異域，殿燎徹遙空。病伏雲霄外，心馳舞蹈中。履長敷慶遠，竊

喜庇微躬

送楊進卿

知君慚未薦復此惜分襟歸路搖雙旆行囊挂
一琴春城雲葉暗野戍雪花深驥足終當展無
忘萬里心

送王戶部謫武林

美人騎白馬二月出皇州曉雨濕官道陰雲生
禁樓登山搖綵筆臨水盪蘭舟僊吏人間去何
妨爛熳游

余別陳山人久矣都下邂逅令子喜而贈

詩

日下逢之子飄然有父風囊盛五色筆臂挽六
鈞弓虹氣生珠劍霜花上鏡驄懸知度關日今
古棄繻同

送朱四

年年秋色裏惆悵送君還宇宙多新局松筠只
舊顏冰前辭潞渚雪後到柴關獨嘆羈棲者心
飛故國山

答羽伯

退食稀來往詩篇每自營
名香沾几席寒日挂
簷楹飄泊滄洲遠支離
白髮生畏人迷去住將
欲訪君平

城西寺奉送東橋翁次韻四首

相送尚書履言過大士林
雲霞當戶結鍾磬隔
花深閣靜玄禽入階虛
碧草侵所忻陪妙躅詎
止慰幽尋

梵宮依近甸飛榭枕高陵
鉢有金龍伏林疑石
虎騰虛亭懸落照秀樹
引疎藤十載空塵土能
無愧老僧

僊輿勞暫駐寶刹喜同來
日煖朱櫻熟風晴石
澗哀庭空幡影動地遠
道襟開宇內茲游少驪
駒莫漫催

風塵懷令範何幸此瞻依
南國高軒返中朝舊
德稀共尋三品石一憇
五銖衣明日看南斗攀
從願已違

叨轉出京辱謝陳二子贈詩次答

閒官仍故里謬此拜殊恩暫別雙瓊樹遙辭五
鳳門贈言揮麗藻出錢枉高軒預想還家日蓬
蒿正滿園

捧檄元將母爲官忽抱孫橫金還故國擁駟出
都門絃奏離筵動芝蘭友道存宦遊南北異併
是答君恩

草閣談玄日雲門結綬心故情君併切離恩我
難任解纜河流駛還鄉雪片深竭來山水意惆
悵隔知音

過德州

樓船御北風渺渺過齊東種秫生涯薄誅茅結
構同日沉平野上人語近村中水面看牛斗星
槎似可通

過分水

天上靈泉水人間此地分轉來因土脉流出散
波文共此遵周道能無頌禹勲題詩同渡處偏
憶舊朋群

過武城訪王祭酒

弭權絃歌地登堂喜識公舒徐經世論恬淡古
人風奎壁臨軒白蒲萄入酒紅蒼生望霖雨何
日灑寰中

濟寧聞虜報

十月胡塵動傳聞入冀州重關虛設險猛士失
防秋鼙鼓中原急乾坤滿目愁不知廊廟上何
以慰宸旒

沽頭聞遇許水部得虜退消息

水部傳消息將軍破虜還顛狂呼酒盞頃刻散

愁顏帝德符虞聖皇圖擬泰山何須頻牧馬容
易傍秦關

還家志感

寅清叨散秩簡拔荷皇仁仕路沾新寵歸囊祗
舊貧行偏多忤俗術淺未謀身自被浮名累空
懷抱甕人

五言排律

太宰松臯翁壽詩五十韻

奕世登元宰名家接上公秀姿鸞鳳合偉器鼎

藝同穎異先鍾洛神竒夙降嵩訐謨兼稷益述
作陋遷雄獻策璇璣殿彈冠日月宮殿驚千里
鶻道避五花驄先帝求良直皇墳託采綜大猷
新潤色群籍舊專攻價重唐扉北名留漢觀東
道尊時必忌身屈志逾崇不噐知才濶如淵識
度洪出施清渭雨行采錦川風棧樸周人頌藩
垣召伯忠福星三路映直節九霄通際世持金
鏡從雲躡絲虹時方敦骨鯁公本厭圓融議獄
尊臯軌惟欽答舜聰身超八座上詞斷五刑中

進秩民圖掌司農國計充省緡柔賈旅蠲賦裕
疲癘言念三槐舍仍牽寸草衷天香移壽酒堂
樹媚朝璫報主寧將毋忘家竟匪躬中朝求傳
鼎東序憶和弓綸扎馳雙節冰銜領百工法將
衡共設心與鑑俱空適用蔽瑕類憐才蓄梓桐
清修卑褚炫簡要邁王戎引善如征彙祛邪似
發家貞人容穆穆大雅韻颯颯詎止收明達兼
之錄廢窮吐哺忘貴盛開閣示謙冲保國真莘
老調儲豈漢翁搢紳回素朴宇宙轉鴻濛帶玉

拖霽霧衣麟射曉瞳製頌天藻麗饌錫御厨豐
有德偏承眷無爲不樹功金風開令節青鳥下
旻穹珮接雲中叟書傳海上童階奠舒四葉庭
桂吐千叢髻以憂時白顏能却老紅綃衣齊矍
鑠絲服倍菁葱已識祥徵雀還看慶衍螽願將
齡有永長遣化無終既廓台階淨仍扶帝棟隆
陰陽歸燮理天地入牢籠画閣圖形遠旂常紀
績鴻眇余叨下吏奉德祗顛矐潦水寧知渤蟻
丘敢識崧當筵虛授簡獻頌愧雕蟲

至後雪

朔雪飛神甸彤雲滿大荒色呈三度白瑞表萬
斯倉潤氣隨陽長休徵逐歲昌天心九重合帝
力兆人忘玉樹通長樂瓊枝映柏梁侍臣爭獻
賦太史競書祥授簡空多病臨文倍有光宸游
聞灑翰應是阜財章

送汪推府赴嘉興十韻

嘉禾標劇郡出倅借明經謁帝留三賦分邦辨
五刑青袍辭玉陛黃綬出彤庭駮耳登長坂龍

泉躍舊硯去游金粟嶺坐近水心亭威以霜俱
肅恩將雨共零堂虛映牛斗署迴眺滄溟舞袖
天香入慈筵海蛤腥離尊初屆夏將命急侵星
佇看噦噦羽聞韶集舜局

修竹圖

茂林青窈窕修竹翠檀栾中有蒼眉客能修絳
雪丹地疑通嶰谷人似坐僊壇玉柱間頻鼓銀
題老更看風來搖桂席露下濕芝欄扶老裁鳩
杖逃名製鵲冠夜涼聽雜佩晝永對停鸞還以

幽貞意相將傲歲寒

俞隱君壽詩

削迹雲階上逃名淮水東亭居雙桂裏徑轉百
花中地與浮丘接心將太古同治生求老氏問
道揖韓終荆植千年紫棠舒並蒂紅晝游閒引
鶴宵夢吉占熊近報三秋節言開七寶宮筵留
青海月歌動碧梧風世泰身堪逸形和慶愈隆
丹臺從此錄玄壽詎能窮

石母壽詩

玄圃開慈幄芳春啓壽筵地連濛澤境庭聚玉
臺僊人道麻姑徃鄉稱孟母賢綃衣承朗月芝
蓋拂祥煙瓊葉千枝送金桃五色傳歲分青帝
籙日誦紫微篇蘭桂應同色岡陵勝比年還看
因子貴丹轂荷恩偏

塔院病起次羽伯韻

帝里憐同病探幽栖上方雲生松閣暝雨過石
臺涼散慮翻芝簡全生憶桂漿竹林斜度日風
檻靜飄香萍跡空懷土葵心祇向陽多君數換
贈欲報媿璫章

楚山卷

楚國多靈嶠茲山秀獨賒峰晴流紫霧石潤湧
金沙結構臨丘蔚虛無絕世譁樓觀松嶺日窗
度玉潭霞地發千年藥林開五色花修梧停鸞
鷲大澤臥龍蛇洞月輝圖帙巖星映莫邪谷中
三賦就看爾獻京華

送洪上人住持碧峰

挂錫香花地逃名日月天談空揮玉麈說法傍

青蓮智劍除煩瘴風旛息外緣世傳雲衲舊人
道赤髭賢淨土芳聲徹當途朗譽宣飛文兜率
境主教法王筵詎遣龍蛇雜爭看領袖專鏡心
終不染峰頂豈徒然共說開方丈還疑降大千
光添金榜麗寵映碧峰妍宰相衣能黑真人道
逾玄佇觀禪理振常遣法輪圓

太學陸君輓詩

淮海飛聲久賢關振藻新文疑士衡後德與仲
弓鄰花月韓山曲風煙泗水濱談玄渾入室問

